

四庫全書

史部

欽定四庫全書

欽定日下舊聞考卷三十五

宮室 明三

原恭默室者文華後殿之東九五齋之西室也室北壁

繪河圖東壁洛書西壁鳳鳴朝陽圖

桂洲集

原夏言恭默室頌

維皇作室九五之側皇錫之名是

曰恭默恭默伊何曰惟思道無矣無聲至德之妙河有

龍馬洛有神龜鳳凰鳴矣雖雖喑喑接茲三圖聖王之

瑞以開人文以來帝賚大哉聖心惟恭惟默與天同遊

慈建皇極 同上

補李國楷恭默室歲序畧 粵稽虞帝肇統危微洎乎

商宗覃思恭默蓋恭以為默既不捐乎物交默而能恭
斯不淪于枯靜于是啓文華之後鍵闢九五之清齋錫
之嘉名曰惟恭然斯室也綰合宮府之會參居內外之
交賢士大夫漸覺其地遠宦官宮妾浸假而情親勸講
不勤將暴寒之慮易保持不密則咻傳之途分是宜撫
玉几而悚心觸奎壁而克念者也 李文敏集

原丈大綸文華殿御書頌 粵茲元黃昉判七政羅錯
斷蜚補石穹規戴廓榮風永頤義埃縣邈惟彼陶唐有
此冀方虞舜入禪並曜重光睦族徽典之紀之綱既輯
玉帛爰同律厯惟時惟幾幸修厥德禹乃嗣興敬承弗
忒湯纘禹祀肇修人紀風愆永戒奄甸疆理周王代之
如夫如砥三壤經國九疇叙倫周禮周官郁其文條
分縷析典則斯存昭茲遐躅爛焉汗竹決源極高民熙
物育訏謨懿範永植君鵠於鑠我皇侔德昊蒼睿思忉
忉昧爽靡遑躋唐堦虞肩夏踵殷鑒于有周乃武乃文
黼座高敞璇臺迴蟲鳳藻雲迴龍章電燭法言在御載

留神矚指古立則日乾夕惕左右天經張弛民極履之
情之無怠無斁實綸輝映乾度永正勉勉我皇四方其
靖保我奉符式昭
靈慶
華萃錄

補崇禎十三年三月策試諸貢士于皇極殿上御小輦
下平臺歷殿東陞上導以銀香鑪一雙是年承挺會試
中式第二十八名跪第一行對策仰瞻天顏白皙目微
露徧視諸臣傳諭須用心作文字作得好還要名對聲
如洪鐘試已讀卷官位次甲第進呈傳臚前一日果名
對於文華殿三百人齊集而傳宣名對僅四十人承挺

在三甲中不得與也奏對稱旨者二十五人臚傳後特授二甲進士孫一脈姚宗衡趙玉森劉瑄嚴似祖為翰林院簡討周正儒李如璧胡周鼎宣國柱黃雲師為給事中陳羽白陳純德魏景琦馮垣登吳邦臣為各道監察御史董國祥顏渾為吏部主事蔡肱明田有年葛奇祚張經呂陽陳纁盧若騰張朝綬錢志騶為兵部主事舊例二甲進士改庶吉士者散館日授編修而是年不待教習竟除皆以簡討用又二甲第一名例除禮部主

事而是年則以兵部主事用又拔下第舉人史惇等一百六十三名廷試貢生吳康侯等百名俱留特用授主事知州推官知縣有差其後特用中殉節者進士則陳純德馮垣登張經陳纁蔡肱明葛竒祚舉人則郟縣知縣李貞佐貢生則戶部郎中徐有聲立賢無方知人則哲後死者所當備述也

鴻一亭筆記

臣等謹按明進士題名錄崇禎十三年三甲進士

高承埏浙江嘉興人此條所引筆記係承埏自撰

紀廷試事者故記文中僅稱名而不著其姓氏

補中式舉人殿試內閣大學士學士等官詳定試卷次日同赴文華殿內閣官將第一甲三卷以次進讀俟御筆批定出將二甲三甲姓名填寫黃榜又次日早同赴華蓋殿內閣官進至御座前以次拆卷將姓名籍貫面奏司禮監官授制勅房官填榜畢開寫傳臚帖子內閣官一員捧榜出至奉天殿授禮部尚書制勅房官將帖

子授鴻臚寺官傳臚

明會典

補初讀卷用祭酒修撰等官正統中猶與其事其後非執政大臣不得與而去取之柄則在內閣初於殿試之明日即傳臚揭榜今制稍寬約以三日內閱卷禮部地專而人衆庶得盡心鑒別云

明登科考

原嘉靖十七年作聖濟殿於文華殿後以祀先醫

明典索

臣等謹按聖濟殿今

文淵閣即其舊址

原黃諫嘗作京師泉品謂玉泉第一文華殿東大庖井

第二

玉堂叢話

臣等謹按大庖井在令之

傳心殿前左側泉味獨甘甲於別井今作亭覆其上
原崇禎時中外多事每遣羽流於南城為章醮之舉上
與后妃密往行禮自文華殿西夾道中往來一日有部
僚接本在會極門忽傳駕返皇遽避入文華門西直房
於窓隙中闕見上乘小輦輦前立兩宮娥其次后輦又
次田表二妃輦歷歷見之不知上亦闕見矣俄使中璫

問姓名上復遣諭之至外勿言也

玉堂
謄記

原萬曆二十七年四月建端敬殿

明神宗
實錄

原端本宮在東華門內即端敬殿之東前庭甚曠長數十丈左為東華門右為文華門光宗皇帝青宮時所居也天啓末懿安張皇后移居於此名慈慶宮其外為徽音門壬午八月懿安移入居仁壽殿因改為端本宮以待東宮大婚宮門前三石橋蓋大內西海子之水蜿蜒從此出焉皇太子原居大內鍾粹宮在坤寧宮之左既

漸長當移居上以慈慶為皇考舊居其後勗勤宮即上
舊居也因以居東宮奉遷懿安皇后於仁壽殿前門徽
音改前星門內關雎左右門改為麟祥燕翼第二門麟
趾改為重暉第三門慈慶改為端本純禧左右門改為
養正體元再入為端本宮中設皇太子座畫屏金碧座
左右二大鏡屏高五尺餘鏡方而長左右各有連房七
間門上各堆紗畫忠孝廉節故事左七間即寢宮內有
二雕床餘皆空洞右七間有琬紅寶座及奧室其內有

弘仁殿規制曲折與左不同矣又後為穿殿兩廡翼然
有清正二軒又後則聚寧門今改為凝寧門端本宮至
此止矣此後為龍圓門又後為奉宸宮其右有承華門
入後則左為勗勤宮右為昭儉宮又後為麗園門

臣等謹按端敬殿與端本宮今改建三所為

皇子所居

補慈慶宮光宗青宮時所居張差挺擊處也上為信王
時亦居此名勗勤宮崇禎十五年七月更名端本宮

山書

補懿安皇后既移宮入上命即所居賜皇太子改名端
本宮宮制如常第連房曲室多耳殿列方鏡屏二高可

數尺

官夢錄

原清寧宮本太子所居之宮今皇子既冠皆居於此

病逸

漫記

原萬厯四十三年五月有妄男子張差持挺入慈慶宮
時皇太子移居宮內差入第一門寂無人第二門止兩
奄人守之一年七十一年六十餘為挺所仆遂至殿簷

下超級而上韓本用等執之交東華守門指揮朱雄皇

太子以聞

先撥
志始

原武英殿在右順門之西規制如文華凡齋居及召見大臣於其中後以文華殿近慈寧宮故歷朝多居之而武英殿遂不復御崇禎五年三月皇后千秋命婦例當朝賀先十日文書房傳諭文武命婦從西安門北安門進西華門赴武英殿行禮甲戌三月再行朝賀禮命婦自西華門外下輿入黎明皇后升殿冠為圓匡冒以翡翠

翠上飾九龍四鳳大花十二樹小花如大花之數兩博
髻十二鈿服褱衣深青為帶畫翠赤質五色十二等素
紗中單黻領朱羅鼓襖襖裾蔽膝隨衣色以緞為領緣
用翟為章三等大帶隨衣色朱裏紕其外上以朱錦下
以綠綿鈕約用青組玉革帶青襪青舄以金飾宮女
服用紫色圓領窄袖偏刺折枝小葵花於上以金圈之
珠絡縫金束帶紅裙弓樣鞵烏紗帽飾以花帽額綴團
珠結珠髻梳垂珠耳飾命婦花冠釵鈿服用翟衣素紗

中單黼領朱黻褱褕蔽膝隨裳色以緇為領緣加丈
繡重翟為章二等大帶隨衣色革帶用玉犀金鳥角不
等青襪烏佩綬入排班立四拜女官宣箋表跪成國夫
人入殿內致詞命婦皆跪三叩頭起立四拜而出辛巳
十月皇嫂懿安皇后聖節亦許命婦朝賀

原命婦入朝贊行四拜皆下手立拜惟謝賜時一跪叩

頭耳

原思善門外橋西為武英殿命婦朝賀中宮於此殿也

朱彞尊原按崇禎七年三月命婦入朝中宮實於
武英殿先伯祖母趙淑人與焉是年十月朝懿安
皇后於慈寧宮至十年三月復朝中宮於隆道閣
劉若愚累臣燕史亦云武英殿命婦朝中宮於此
而夢餘錄則云仁智殿為命婦朝賀中宮之地若
愚謂仁智係停梓宮之所則皇后千秋節必不於
此受賀可知已

心誠意箴於屏置文華武英兩殿

崇禎遺錄

原南薰殿凡遇徽號冊封大典閣臣率中書篆寫金寶金冊御用監必殺鹿一隻蒸魚作羹此舊典也逍遙城

在歸極門之西南今無之矣

燕史

原仁智殿在武英殿後俗所謂白虎殿是也凡大行皇

帝梓宮停於此

同上

原仁智殿以處畫士一時在院中者人物則蔣子成銅毛則邊景昭山水則商喜石銳馬軾李在倪端陳暹鍾

欽禮王諤朱端然皆畫家第二流人

四友齋叢說

補宣廟喜繪事一時待詔有謝廷循倪端石銳李在皆有名戴文進入京衆工妒之一日在仁智殿呈畫文進以得意之筆上進第一幅是秋江獨釣圖畫一紅袍人垂釣於水次畫家惟紅色最難著文進獨得古法入妙宣廟閱之廷循從旁奏曰此畫甚好但大紅是朝廷品官服色却穿此去釣魚甚失大體宣廟頷之遂揮去其

餘幅不復視品畫

品畫

原孝宗嘗至仁智殿觀鍾欽禮作畫見其皴劈飛動從背後久立鍾不知也既而忽將其鬚大呼曰天下老神仙鍾遂以勅賜天下老神仙七字刻石作私印

明良記

原思善門在仁智殿東南

燕史

臣等謹按仁智殿應在武英殿後舊基已廢今之

內務府官廨等處是其舊址云

補江夏吳偉畫山水人物入神品憲宗召至闕下待詔仁智殿有時大醉蓬首垢面曳破皂履踉蹌行中官扶

掖以見上大笑命作松泉圖偉跪翻墨汁信手塗抹而
風雲慘澹生屏障間上歎曰真仙筆也偉出入掖庭奴
視權貴求畫多不與於是權貴人數短之居無何放歸
南郡孝宗登極復召見命畫稱旨授錦衣百戶賜章曰
畫狀元後稱疾歸武宗復遣使召之使至未就道中酒

死

稗史
彙編

原仁宗即位建弘文館於思善門外駕嘗臨幸講論經

史不倦

殿閣詞
林記

補仁宗建弘文閣於思善門作印章命翰林院學士楊
溥掌閣事侍講王璉佐之親舉印授溥曰朕用卿等於
左右非止助益學問亦欲廣知民事為理道之助卿等
如有建白即以此封識進

明典故
紀聞

臣等謹按明洪熙元年正月建弘文閣命儒臣入
直楊溥掌閣事見明史仁宗本紀

原十月上坐思善門選東宮官

路
紀

原弘文館在大內之西正統中始革去

病逸
漫紀

原慈寧宮在寶寧門北

史燕

補萬厯間外方貢綠刺觀音一座其高六尺李太后迎

供慈寧宮中

過日
集箋

原嘉德右門之西曰長庚門凡夫匠淘溝及修造或宮人疾故皆開此門出入其外自元武門迤西可九間自北而南過長庚橋至御酒房後牆曰長連三十九間再前層曰短連三間連元武門東計之通共五十四間總

曰廊下

史燕

補寶和六店宮中儲材物處一寶和二和遠三順寧四
福德五福吉六寶延武宗嘗扮商估與六店貿易爭忿
喧詬既罷就宿廊下

西河詩話

補御酒坊後牆有街曰長連又一街曰短連總曰廊下
家

張南士集

原內法酒總名長春有上用甜苦二色給內閣者以黃

票學士以紅票

傍秋亭雜記

原內法酒出大瑤造者亦佳但或甘或冽似未得平令

人熱及好渴不堪醉也

畢洲筆記

原坤寧宮之後則後苑也欽安殿在焉供元天上帝之所也有魚池假山奇花異樹東南曰瓊苑左門西南曰

瓊苑右門

燕史

臣等謹按

欽安殿

御花園今仍舊名詳見

國朝宮室

原成化十二年八月戶部尚書兼翰林院學士商輅等
言祖宗創為郊祀歲一舉行極為慎重通者傳聞皇上
於宮北建祠奉祀玉皇取郊祀所用祭服祭品樂舞之
具依式製造并新編樂章命內臣習之欲於道家所言
神降之日舉行祀禮臣等稽之於古未為合禮夫天者
至尊無對非他神可比事之之禮宜簡而不宜繁可敬
而不可黷今乃別立玉皇之祠祀并用南郊之禮樂相
去一月之間連行三祭未免誠意不專且郊祀所用執

事并樂舞生皆神樂觀道士為之刑喪病疾之人一切
不預祖宗制禮蓋有深意存焉伏望聖明將所建神祠
停罷神像送宮觀侍奉祭服祭器樂舞之具送太常寺
收貯凡內廷一應齋醮悉宜停止疏入上命拆其祠

明憲

宗實錄

原弘治十一年七月太監李廣奏欽安殿設齋醮當用
播竿工部尚書徐貫等謂非祖宗舊制且宮禁之內不

宜用此上曰是其勿造

明孝宗實錄

原嘉靖二年四月太監崔文等於欽安殿修設醮供請
駕拜奏青詞給事中張嵩知其左道誣惑請火其書斥
其人章下所司

明世宗
實錄

朱彞尊原按此乃建醮青詞之始也

原欽安殿門曰天一之門嘉靖十四年添額有萬春亭
千秋亭嘉靖十五年添對育軒嘉靖十四年更玉芳軒
四神祠有觀花殿萬曆十一年毀之壘石為山中作石
門扁曰堆秀山上有亭曰御景東西魚池池上二亭左

曰浮碧右曰澄瑞入有清望閣金香亭玉翠亭樂志齋

曲流館至萬厯十九年毀

明宮殿額名

補王錫爵樂志齋箴 聖人作易次豫于謀喜起之歌始以救天我皇鑒茲弗懈于位有安斯齊惟以樂志其樂伊何匪逮匪遊其志伊何樂而不流樂有從理亦有從欲安危之機辨之幽獨何以辨之惟志之持志壹常安志煩則危惟幾惟康無逸乃逸君子攸居萬年無數王文肅文草

原夏言欽安殿詩 欽安殿前修竹園百尺琅玕護紫垣夜夜月明搖鳳尾年年春雨長龍孫 桂洲集

原欽安殿後曰順貞門其宮牆外則元武門每夜更鼓

在焉

燕史

臣等謹按

欽安門

順貞門

本朝俱仍其舊元武門即今

神武門也

原隆慶四年二月建英明閣於禁中

明穆宗實錄

原大內後門有丹漆巨楹一丈此扉不知幾何年矣成化間偶墮地破乃髹竹中藏卷三一為王摩詰畫真蹟

國史
唯疑

原紫禁城內之河則自元武門之西從地溝入至廊下
南過長庚橋裏馬房橋由仁智殿西御酒房東武英殿
前思善門外歸極門外皇極門前會極門北文華殿西
而北而東自慈慶宮前之徽音門外蜿蜒而南過東華
門裏古今通集庫南從紫禁城墻下地溝亦自巽方出
歸護城河或顯或隱總一脉也

史燕

原北中門之南曰壽皇殿曰北果園殿之東曰永壽殿

曰觀德殿與御馬監西門相對者壽皇殿之東門萬厯
中年始開者也殿之南則萬歲山俗所云煤山也山之
前曰萬歲門再南曰北上門左曰北上東門右曰北上
西門西可望乾明門東可望御馬監也再南過北上門
則紫禁城之元武門也

同上

臣等謹按壽皇殿北果園即今

景山後是也

北上諸門今仍舊名云

次子 日 實 子 孫

南曰北上門再南曰元武門入門即紫禁城大內也山左寬曠為射箭所故名觀德山左裏門之東即御馬監兩門相對一帶有桿子房北膳房暖閣廠皆西向也永壽殿在觀德殿東南相近內多牡丹芍藥旁有大石壁立色甚古

懋書

增萬歲山高一十四丈樹木蒼鬱有毓秀壽春長春翫

景集芳會景諸亭

春明夢餘錄

原萬歲山在子城東北元武門外為大內之鎮山高百

餘丈周迴二里許林木茂密其顛有石刻御座兩松覆之山下有亭林木陰翳周迴多植奇果名百果園

西元集

原萬歲山嘉樹鬱葱鶴鹿成羣俗稱煤山天啓甲子六月山椒有五色雲靈臺占曰景雲將降旨行慶賀禮以

六科廊災乃寢

天啟宮
詞注

原今京師厚載門南逼紫禁城俗所謂煤山者本萬歲山其高數十仞衆木森然相傳其下皆聚石炭以備閉城不虞之用者

野獲編

原崇禎七年九月量萬歲山自山頂至山根斜量二十
一丈折高一十四丈七尺萬歲山左門山右門於萬歷
十八年八月添牌有玩芳亭萬歷二十八年更翫景亭
二十九年再更毓秀亭亭下有壽明洞又有左右毓秀
館長春門長春亭壽皇殿萬福閣下曰臻祿堂康永閣
下曰聚仙室延寧閣下曰集仙室萬福閣東曰觀德殿
又有永壽門永壽殿觀花殿集芳亭會景亭興隆閣萬
歷四十一年更翫春樓萬福閣西曰永安亭永安門乾

祐閣下曰嘉禾館乾祐門興慶門下曰景明館外為山

左裏門山右裏門

明宮殿額名

原鳳翔之麟遊有虎臣者慷慨有氣節成化末貢入太學適聞萬歲山架棕棚以備登眺臣上疏極諫憲廟竒之祭酒費閤不知也懼其賈禍會六堂鳴鼓聲罪以銀鐺鎖之俄官校至宣臣至左順門中官傳旨勞之曰爾言是也棕棚拆卸矣命吏部予七品官閤聞而大慚臣

知雲南鷄嘉縣事卒於官

郊外農談

原弘治中太監李廣以左道見寵權傾中外戊午歲建
毓秀亭於萬歲山下既成適小公主患痘廣飲以符水
遽殤未幾清寧宮災有謂建亭年月不利故有此災太
皇太后怒廣懼飲鴆死

月山叢談

原嘉靖中禁中有貓微青色惟雙眉瑩潔名曰霜眉善
伺上意凡有呼召或有行幸皆先意前導伺上寢寐輒
不移上最憐愛之後死勅葬萬歲山陰碑曰虬龍冢

丹談

原歐大任萬歲山詩
五岳來朝日三山路不迷
長楊秦苑北盧橘漢園西
珠斗凌空近瑤峯入望齊
萬年同

聖壽何用訪丹
梯
旅燕稿

朱彛尊原按宣宗廣寒殿記及楊文貞李文達彭
文憲葉文莊韓襄毅西苑諸記所稱萬歲山皆本
金元之舊至馬仲房始以煤山為萬歲山迨萬歷
間揭萬歲門於後苑而紀事者往往混二為一蓋
金元之萬歲山在西而明之萬歲山在北也

原宣宗八年四月二十六日上命勲舊輔導文學之臣
遊西苑翰林則少傅楊士奇楊榮少詹事王英王直侍

讀學士李時勉錢習禮時少保黃淮來自退休與焉翰林

記

原楊士奇賜遊西苑詩序宣德八年四月上以在廷
文武臣日勤職事不遑暇逸特勅公侯伯師傅六卿文
學侍從游觀西苑偕行凡十有五人自西安門入循太
液之東而南觀新作之園殿改作之清暑殿二殿皆皇
上奉侍皇太后宴游之所降而登萬歲山至廣寒殿而
仁智介福延和三殿及瀛洲方壺玉虹金露之亭咸得
遍造已而中官傳奉上命賜黃封之酒御厨之珍餚數
行時久未雨忽陰雲東來微雨沾席倉庾如簣和鳴不
已相與引滿勸酬盡醉而
出賦詩若干首東里集

臣

等謹按明廣寒殿及仁智介福延和三殿今

原王直記畧 六月七日陪少師少保及諸學士於太
液池上焚三朝寶鍊草本詔許遊萬歲山觀金元遺跡
中官引自國殿後度石橋橋中空二丈許用一大舟實
其中以通行者既度入山門門有三中為御路衆從左
右門入山皆奇石疊成相傳金人取掠艮岳石為之至
元增飾加結構焉山趾兩旁皆有門躡石級而上至半
有三殿中曰仁智左曰延和右曰介福獨廣寒殿在其
頂又有瀛洲方壺玉虹金霞四亭在延和介福之後昔
皆窮極侈麗今猶有可觀者山之半有廢井深不可
測中人云下與海通有蛟螭焉山下一石曰慶雲奇峯
萬變蓋艮岳之絕奇者又有康干石康干國名石乃松
木入河水浸漬久而成者其木理宛然凡諸殿宇皆仍
其舊未嘗修治我朝列聖恭儉之德於此可見矣觀畢
賜宴山下盡醉而歸 王文端文集

原李賢賜遊西苑記 天順己卯首夏月上命中貴人
引賢與吏部尚書王翱數人遊西苑入苑門即液池蒲
葦芰荷翠潔可愛循池東岸北行花香襲人行百步許
至椒園中有圓殿金碧掩映四面豁敞曰崇智南有小
池金魚遊戲其中西有小亭臨水芳木匝之曰玩芳又
北行至圓城自兩掖洞門而升上有古松三株中有圓
殿曰承光西有長橋跨池下過石橋而北山曰萬歲怪
石參差為門三自東西而入有殿倚山左右立石為峯
以次對峙四圍皆石磴折而上並列三殿中曰仁智左
曰介福右曰延和至其頂有殿當中曰廣寒左右四亭
在峯之頂曰方壺瀛洲玉虹金霞下過東橋轉峯而北
有殿臨池曰凝和二亭臨水曰擁翠飛香西隅有殿用
草曰太素殿殿後草亭畫松竹梅于上曰歲寒門左有
軒臨水曰遠趣軒前草亭曰會景循池西岸南行有屋
池水通焉以育禽鳥有亭臨水曰映暉又南行有殿臨
池曰迎翠有亭臨水曰澄波東望山峯倒蘸于太液波

光之中又西南有小山至則有殿倚山山下有洞洞上有巖橫列密孔泉出迸流而下曰水簾水聲泠泠然潛入石池龍昂其首口中噴出復潛繞殿前為流觴曲水左右危石盤折為徑山畔有殿翼然至其頂一室正中四面簾櫳欄檻之外奇峯回互下轉山前一殿深靜高爽殿前石橋挺精巧左右有沼沼中有臺臺外古木叢高鳥鳴上下至于南臺林木陰森過橋而南有殿面水曰昭和門外有亭臨岸沙鷗水禽如在鏡中古穰集

臣等謹按太素殿明天順年間初建今之

五龍亭即其舊址水簾石池似在白塔之西岸南臺即

今

瀛臺也

原韓雍賜遊西苑記 天順三年四月賜公卿大臣以
次遊西苑遂由西華門而西入西苑門即太液池之東
南岸也乃折北循岸而行至椒園園內行殿在叢樹中
殿之北有釣魚臺南有金魚池又北行至圓殿觀燈之
所也歷階而登殿之基與睥睨平古松數株其高參天
其西以舟作浮橋橫亘池面北則萬歲山在焉北度石
橋登山山在池之中磊石為之山之麓以石為門門內
稍高有小殿琴臺碁局石牀翠屏分布森列峯有最奇
者名翠雲上刻御製詩沿西坡北上有虎洞呂公洞仙
人庵又上有延和有瀛洲有金露皆殿名瀛洲之西湯
池之後有萬丈井深不可測由金露折而東上絕頂則
廣寒殿也下至玉虹又下而南至方壺至介福皆與延
和諸殿相對峙而方壺瀛洲則左右廣寒而奇特者也
又下至山之東麓過石橋復折北循岸數百步至九間
殿門外繫五六小舟稍北有船房苦龍船其中又北行
數里至北閣上橫小亭釣竿數十線餌具備垂之清流

欽定四庫全書

欽定日下舊聞考

上有殿亭六七所最高處廣寒殿也池西南又有一山最高處為鏡殿乃金元時所作其西南曰南臺則宣廟

常幸處也 可齋筆記

原業盛賜遊西苑記 天順三年四月六日有旨賜遊

西苑先飯於左順門東北廊訖趨右順出西華西上西
中西苑四門北入聚園至行殿殿枕太液池下瞰如鏡
出北行至圓殿由東城門入上殿殿前古松極奇怪又
置翠屏岩郭公碑水變太湖石從西城門下北至太液
厯御橋再北至萬歲山由西路入山徑旁有仙人老虎
洞抵絕頂入廣寒宮兩旁圓亭東曰玉虹西曰金霞兩
亭下次第又各兩殿東曰方壺次曰介福西曰瀛洲次
曰延和山半坪間有仁智殿舊址自東路出山至九間
殿過黃船廠過北關口行殿又西從湖岸折而南至養
牲房所養皆珍禽經虎城至小山子名賽瀛洲前後左
右皆有殿中兩旁有水閣山頂之殿狀如廣寒殿前有
水出階垂如珠簾然流至石池西流從石龍口吐出復

泱流山下殿前鑿石為流觴曲水水折流至東池復南入湖中過橋亭至南臺行殿前有石砌直階下數十步至水中是為釣磯前所歷覽皆上游幸所也 水東日記

原嘉靖十五年五月召輔臣李時禮官夏言武定侯郭勛汎舟西苑帝以五日率先朝故事汎舟西苑特召時言勛侍行先命太監韋霽賜以艾虎彩索牙扇等物帝至御龍舟命時言一舟勛一舟自芭蕉園歷玉螭金鰲橋至澄碧亭頒賜御肴又命揖人蕩槳近龍舟顧問已而賜宴無逸殿乃還

翰林記

原夏言御舟歌 御舟北臣舟南積翠堆雲山似玉金
鰲玉竦水如藍臣舟南御舟北雲龍會合良及時魚水

君臣永相得 桂洲集

原李默遊西內記 季夏十六日望西安門舍騎步入

過仁壽宮直北隙地初築親鰲壇殿用前詹事霍韜議
也殿東西北上為永福萬春諸宮正南為門者三曰仁

壽宮門門外西南數十步築神祇壇蓋倣周禮王社為

之直東為帝社坊凡駕臨享特駐此坊東北為無逸殿

殿南為幽風亭上著幽風圖記揭亭中出門南行西望

黍菽盈時趙常侍導而西槐柳多至數園蓋遼時物北

行松間隱隱見園阜至則小軒峙其前又前甃石為九

曲黃河軒北石假山也頂列銅池六皆貯水池旁多穿

孔竇下注洞口洞中為龍勢若噴吐前為圓池龍盤其

間駕幸則瀉銅池從孔竇迸落石水晶簾山上有梳粧

樓遺址舊傳為遼后遊處自撫至此地皆以文磚乳花

石雜甃之常侍導出一門循塍而東南見省耕亭額南

並稻畦可二十畝中有池方廣十丈環置桔槔引池灌
焉復導自東小門出則湖堤萬柳中也綠堤稍南樹蓋
密林端望見昭光殿常侍曰此兔兒山也稍北行常侍
別去時夕陽半落湖心波光閃爍荷葉盡舒花皆紅白
葭莢蒼然有鳥巢其末啾唧出蘆葦間湖東列數亭為
艤舟處亭外為西苑門殿闕參差可歷歷指出時已昏
黑矣 羣玉樓藁
原嚴嵩賜遊西苑詩序 泛金海觀於廣寒山蕩舟持
楫者皆中使水光蕩漾遠近亭臺隱現金碧交輝若身
造瑶池弱水之間 鈴山堂集

補嘉靖十二年四月上幸西苑御寶月亭召張孚敬等

同遊御清馥殿翠芬亭賜茗酒錦囊詩扇紅藥花製古

樂府五七言絕句各一章命和

嘉隆間見紀

原嘉靖十三年九月西苑河東亭榭成上親定額天鵝
房北曰飛靄亭迎翠殿前曰浮香亭寶月亭前曰秋輝
亭昭和殿前曰澄淵亭後曰趵臺陂臨漪亭前曰水雲
榭西苑門外二亭曰左臨海右臨海亭北闌口曰湧玉
亭河之東曰聚景亭改呂梁洪之亭呂梁前曰櫟金亭
翠玉館前曰擷秀亭萬歲山後曰玩芳亭

明典
禮志

臣

等謹按明皇史歲東南有門通河俗所謂騎馬

河也迤東沿河稍北則呂梁洪見燕史嘉靖十三

年西苑河東亭榭成親定額名改呂梁洪之亭曰

呂梁見明史輿服志

原王九思午日從遊西苑應制詩
蘭宮挂殿翠微中
鳳華宸遊引上公鶯語巧隨歌曲細
榴花嬌映御筵紅
長秋揆日分絲縷侍女承恩戲角弓
魚藻萬年同宴錫
甘泉欲賦未能工
漢陂集

原文徵明秋日再經西苑詩
內苑清秋宿露晞盈盈
日采動金扉松間翠殿圓華蓋
天外銀橋入紫微錦纈
稀遊青雀暗琉璃無際白鷗飛
彤牆高柳無人折時見
宮中一騎歸
甫田集

原西苑池水既堅以紅板作柁床四面低欄亦紅色旁僅容一人上坐其中諸璫於兩岸用繩及竿前後推引

往返數里

天啓宮
詞注

原上數同中官泛輕舠於西苑手操篙櫓去來便捷乙
丑端午用絳繒小舟首尾龍形上親持划同內侍劉思
源高永壽溯流俄而風起雲霧四塞舟覆二璫溺死太

監譚敬急往扶駕出水

同上

原陳悰詩 琉璃波面浴輕舠 艇子飛來若畫圖 認著
君王親蕩槳 滿堤紅粉笑相呼 風掠輕舟霧不開 錦
鱗吹裂綵帆推須臾 一片歡聲動
捧出真龍水面來 天啓宮詞

原崇禎十五年春上遊西苑召內閣五府六部都察院

錦衣衛諸大臣從先於上舟行禮畢賜饌分舟而遊日

晡復登上舟謝乃退

崇禎
遺錄

原西苑門迤南向東曰灰池曰樂成殿曰水碓水磨

燕
史

臣等謹按樂成殿水碓水磨等處後易為無逸殿

幽風亭今

西苑以東

淑清苑即因其舊址改建所謂灰池今

三座門內沿湖南行百許步東牆上有門內屋三楹猶相

沿稱仄殿或其舊址也

原樂成殿涵碧亭浮玉亭俱萬厯三十年七月添扁

明宮

殿額名

原從芭蕉園南循水過西苑門半里有牆渴池水轉北別為小池中設九島三亭一亭藻井闢角為十二面上貫金寶珠頂內兩金龍升降丹檻碧牖盡其侈麗中設一御榻外四面皆梁檻通小朱扉而出名涵碧亭其二亭制少樸梁檻惟東西以達厓際東有樂成殿左右楹

各設龍床殿後小室亦設龍榻皆宣皇遊歷處也殿右有屋設石磨二石碓二下激湍水自動田穀成於此春

治故曰樂成

西元集

原馬汝驥詩 金堤迴北拱寶殿樂西成春急奔湍上梁危駕石行池龍墻九島苑鳥下層城帝豫因民事長楊愧頌聲 西元集

原文徵明詩 太液東來錦浪平芙蓉小殿瞰虛明碧欄蘸影雙龍卧綠水浮渠九島輕漾日金鱗堪引釣拂天翠柳亂聞鶯激流靜看飛輪轉天子無為樂歲成

甫田集

原陳沂涵碧亭詩 苑入黃金塢橋迴碧樹灣龍池觀九島鰲禁覓三山溜轉雲車急花深月殿閒從來人罕至御榻在中間 拘虛集

原河之西曰昭和殿曰紫光閣曰陽德門曰萬壽宮曰
旋磨臺即兔兒山也曰無逸殿曰幽風亭

燕史

原從樂成殿度橋轉南一徑過小紅亭二百餘步林木
深茂內有殿曰昭和皆黃屋傍有水田村屋先朝嘗於

此閱稼

西元
集

欽定日下舊聞考卷三十五

欽定日下舊聞考卷三十五舉正

黻領原書黻訛作黼 朱羅原書朱訛作珠 隨衣

下原書落色朱二字 綠綿原書綠訛作絲 弓樣

原書樣訛作影今俱據明史增改

武英殿左右順門之西條

萬厯十八年原書十字上多三字今刪

崇禎七年九月量萬歲山

條

呂梁下原書多擬字今據明史刪

嘉靖十三年九月西苑條

欽定日下舊聞考卷三十五舉正

欽定四庫全書

史部

欽定日下舊聞考卷三十六

七

詳校官庶吉士臣胡鈺

檢討臣德生覆勘

總校官進士臣程嘉謨

校對官中書臣葉元符

騰錄監生臣董光驥

欽定四庫全書

欽定日下舊聞考卷三十六

宮室 明四

原南臺在太液池之南上有昭和殿北向踞地頗高頻眺橋南一帶景物其門外一亭不止八角柱拱攢合極其精麗北懸一額直書趵臺陂三字降臺而下左右廊宇各數十楹不施牕牖又其北濱池一亭額曰湧翠則御駕登龍舟處

燕邸遊覽志

原馬汝驥南臺詩
不翦周稌欲先知
雨露懸蓬逕風雲
護竹籬九重歡豫

地髣髴見龍旗
西元集

原文徵明詩
青林迤邐轉迴塘
南去高臺對苑牆
暖

日旌旗春欲動
薰風殿閣畫生涼
別開水榭親魚鳥
下

莆田集

原歐大任南臺詩
西內風煙異南臺
見水田艱難曾

稼穡淳朴自山川
農舍朝炊裏江鄉
夕照前穀蠶勞瘠

葉幽雅定同傳
旅燕稿

原王嘉謨超臺陂詩
春湖泛綠水華林
積清樾靈臺

自孤峙昆池更不竭
戰鷗隨風舞思魚
向波沒藉草弄

煙虹倚棹采薇歲
嵐積龍虎文日漾
龜鼉窟崇儉陋雕

牆荒遊笑溟渤領
言飲澄波于焉絕
天伐
蕭邱集

臣

等謹按瀛臺舊為南臺
一曰超臺陂明李賢記

中所稱南臺林木陰森是也見金鰲退食筆記

原崇禎壬午九月召閣部諸臣入對明德殿出西華門
傍西海子北行過椒園折而東逾園殿度御橋步至明
德門外頃之召食明德殿前上坐殿門內外張御幄左
右各張黃幕置宴榻十二張對畢諸臣分東西就黃幕
下入席席設大花瓶插鷄冠花酌用金葵花杯大如盃
花有瓣中心花點甚多四傍刻曰御前欽賜下刻曰萬
曆壬寅年銀作局造席各饌合十五別有餽十器而蔬

至二十二器菓五品湯酒各三巡宴畢謝恩出上駕已
動旋登紫光閣看文書閣甚高敞樹陰池影蔥翠萬狀
一佳景也即同趨過閣下沿西海行至萬壽宮策馬過
南臺越小橋有涵碧亭曲水環之又激水為水碓如江
南樣下馬徘徊久之遂出

慙書

原張少師孚敬李少保時方少保獻夫翟殿學鑒於癸
巳歲賜游萬歲山諸處有春游倡和集戊戌上奉慈寧汎
西苑召郭翊公勛李夏二少傅顧少保從後居西苑齋

欽定日下舊聞考

山少傳袁殿學煒宮保嚴殿學訥少保李殿學春芳少
保郭殿學朴尚書高殿學拱諸公前後許乘馬出入獨
嚴以年老得乘腰輿已未以八十特賜乘肩輿此希特

之典也

鳳洲
筆記

原蔡羽即事詩 金水荷花接綺軒 石渠銀鑰掌中閑
西崑學士封麻散斜日猶聞左闕門 碧雞朱鷺羽毛
鮮小殿芙蓉貼水圓 昨夜百花風信急 御溝新藻有紅
泉 林屋集

原王世貞西城宮詞 新傳牌子賜昭容 第一仙班雨
露濃 褒褱相公書疏在 莫教香汗濕泥封 五雷壇上
雷一聲 海子開口雨縱橫 祈靈驗後催傳賞 馬上朱提
玉手擎 芙蓉新樣紫霞冠 細擁珠琲小鳳圍 一片香

仲秋次戊日上躬行祈報禮蓋以上戊為祖制社稷祭期故抑為次戊內設幽風亭無逸殿其後添設戶部尚書或侍郎專督西苑農務又立恒裕倉收其所獲以備內殿及世廟薦新先蠶等禮蓋又天子私社稷也此古史冊所未有自西苑肇興尋營永壽宮于其地未幾而元極高元等殿繼起以元極為拜天之所當正朝之奉天殿以大高元為內朝之所當正朝之文華殿又建清馥殿為行香之所每建金籙大醮壇則上自躬至焉凡

入撰青詞諸臣皆附麗其旁即閣臣亦晝夜供事不復
至文淵閣蓋君臣上下朝真黜斗幾三十年與帝社稷
相終始至穆宗紹位不特永壽宮為牧場并西苑督農
大臣亦裁去矣

野獲編

臣等謹按嘉靖十年采帝藉之義改為帝社帝稷
以上戊明日祭後改次戊次戊在望後則仍用上
巳春告秋報為定制隆慶元年禮部言帝社稷之
名自古所無宜罷從之見明史禮志

原西苑農務凡占地五頃有餘役農五人老人四人騾夫
八人每人日支太倉米三升仍復其身耕畜則從御馬
監支糧草先是工部蓋農舍築牛宮造倉廩順天府歲
進穀種比其獲也戶部以本年所入之數上聞蓋自夏
言皇后親蠶之說行于是農桑並舉以復邃古神農之
政未幾親蠶禮即廢而農務則終世宗之世焉

野獲
編

補無逸殿三間用甄寫刻大字農家忙詩一首并記東
西間作沙壁寫無逸一篇幽風亭正面用甄寫刻大字

題幽風詩一首東西兩邊作沙壁寫七月詩

論對錄

原嘉靖十年八月帝御無逸殿之東室曰西苑舊宮是朕文祖所御近修葺告成欲於殿中設皇祖位祭告之祭畢宜以宴落成之又曰無逸之作雖所以勸農而勤學之意亦在其中今用宴以落成之經筵日講官俱與仍各進講七月詩無逸書各一篇

明世廟聖政紀要

原嘉靖二十一年上元上御幽風亭賜朱希忠等五臣

宴觀燈

肅皇外史

原嘉靖時建無逸殿於西苑翼以幽風亭蓋取詩書義以重農務而時率大臣游宴其中又命閣臣李時翟鑾輩坐講幽風七月之詩賞賚加等添設戶部堂官專領穡事其後日事玄修即於其地營永壽宮雖設官如故而主上所創春祈秋報大典悉遣官代行撰青詞諸臣雖保直於無逸之旁廬而屬車則絕跡無復至其殿惟內直工匠寓居彩畫神像並裝潢渲染諸猥事而已至甲辰年翟鑾坐二子中式被議鑾辨疏以日直無逸為

辭時上奉道已虔惟稱上元高元及元威元功而鑒椎
樸尚舉故事上大怒褫逐之此後并殿亭舊名無齒及
者矣世宗上賓未期月西苑宮殿悉毀惟無逸則至今
存至尊於西成時間亦御幸內臣各率其曹作打稻之
戲凡播種收穫以及野饁農歌徵糧諸事無不入御覽
蓋較上耕籍田時尤詳云今上甲申乙酉間無逸燼于
火輔臣申吳縣等奏皇祖作此殿欲後世知稼穡艱難
其慮甚遠非他游觀比宜以時修復上深然之今輪奐

尚如新也

野獲編

原打稻之戲駕幸無逸殿鐘鼓司扮農夫饅婦及田畯

官吏徵租納稅等事

燕史

補嘉靖二十七年七月西苑獻瑞穀雙穗者七十五本

羣臣上表賀

論對錄

原樊深駕幸無逸殿命輔臣進講無逸幽風頌維彼
陶唐奄有萬方乃命神禹于理于驪爰及成周農桑是
憂忠哉元輔克善其謀書記無逸艱難可稽君子所知
小人所依詩載幽風農桑不廢無衣無褐何以卒歲惟
我聖明志切于耕逮宗唐帝近比周成駕幸無逸命及
元老文武成周農桑是寶何以言之詩書在即何以講

之幽風無逸乃聖乃神乃武乃文功崇惟志業廣惟勤
克勤于邦克儉于家天心克享其何以加含物化光德

合無疆起彼東周嘉

靖殷邦 西田集

原姜應麟無逸殿賦 雖辟承天日有萬幾事起於忽
志生於微惟彼哲王勵精玄化若踐春冰若馭泛駕几
几公旦遠思令猷爰陳無逸入告嘉謀勉我皇願思
其義自強不息克勤罔替毋謹大廷而懈深宮既虔厥
始必保其終母謂予明視于無形母謂予聰聽于無聲
母謂天與命不易哉母謂人歸民固常懷小臣進規治
道在通母忘母荒夙夜敬止 考槃寤言

原夏言無逸殿西壁詩 睿藻承遺訓農歌起聖衷千
秋所無逸七月詠幽風帝學詩書在神謀制作同光昭
文祖業原上有新宮 桂洲集

原嚴嵩無逸殿直舍和夏少師韻 燈火通宵晃禁虛
露曉雲閣近宸居瑞烟入坐香浮苑寒色窺簾月到除

經籍作問丹鳳吹穀城先訪赤松書歸來未
向人間說天語新永燕對徐

鈴山堂集

增親蠶殿在萬壽宮西南有齋宮具服殿蠶室繭館皆
如古制按明世宗實錄禮部上言皇后出郊親蠶不便
是日召大學士張孚敬令與尚書李時議移之西苑晡
時駕幸西苑召二臣至太液池使中官操舟渡之入見
於舊仁壽宮上曰朕惟農桑重務欲於宮前建土穀壇
宮後為蠶壇以時省觀卿等視其可否二臣趨出視地
駕轉昭和殿期二臣於此昭和殿即今瀛臺也

金楚退
食筆記

原國初無親蠶禮嘉靖九年勅禮部曰耕桑重事古者
帝親耕后親蠶以勸天下自今歲始朕親耕皇后親蠶
其具儀以聞于是大學士張璁等請於安定門外建先
蠶壇準先農壇制旁設採桑壇倣籍田制其別殿如南
郊齋制少減其數即齋旁起蠶房為浴蠶所皇后採桑
三條後三宮夫人採五條列侯九卿夫人採九條仍擇
民婦受桑浴蠶於內以終事詔如議行詹事府詹事霍
韜言皇后出難越宿且郊外別建蠶室則宮嬪命婦未

見蠶事勢難久行乞擇近地便戶部亦言安定門外水源不通無浴蠶所初禮部議於皇城內西苑中有太液瓊島之水且唐制亦在苑中宋亦於宮中從禮部議便上命築親蠶壇於安定門外十年三月改築壇於西苑仁壽宮側壇高二尺六寸四出陛廣六尺四寸東為採桑壇方一丈四尺高二尺四寸三出陛鋪甃如壇制臺之左右樹以桑東為具服殿北為蠶室又為從室以居蠶婦設蠶宮署於宮左置蠶宮令一員丞二員擇內臣

明典
禮制

嘉隆聞見錄

金定日下舊聞考

妻韋氏宣城伯衛鏞妻張氏成山伯王洪妻周氏兵部
尚書李成勛妻袁氏禮部尚書文淵閣大學士翟鑾妻
劉氏戶部尚書梁材妻楊氏禮部尚書李時妻何氏刑
部尚書許讚妻李氏都察院右都御史汪鎔妻程氏禮
部左侍郎嚴嵩妻歐陽氏刑部左侍郎聞淵妻方氏工
部右侍郎蘓民妻王氏通政使司通政使張闕妻楊氏
國子監祭酒許誥妻陳氏翰林院學士顧鼎臣妻朱氏

嘉靖
祀典

原嘉靖間更定祀典遂行皇后親蠶禮當時俱咎夏貴
溪逢迎上意御史馮恩至謂后親蠶于郊不可示後世
然夏說未可非也周禮天官內宰中春詔后率內外命
婦始祭蠶於北郊漢禮儀志皇后祀先蠶以中牢文帝
景帝元帝俱詔皇后親蠶魏黃初中依周禮置壇於北
郊晉與高齊俱置高壇皇后親祭俱躬蠶後周因之隨
置壇宮北三里皇后以太牢祭唐置壇在長安宮西苑
中貞觀顯慶先天乾元間皇后親蠶皆先有事於先蠶

壇儀具開元禮采用高齊制后親享先蠶貴妃亞獻昭
儀終獻其神則祠天駟星次則黃帝元妃西陵氏漢加
苑菰婦人寓氏公主後又益以蠶女馬頭娘之屬要皆
有所本嘉靖之制雖未盡合古然農桑並舉固帝王所
重也

野獲編

臣等謹按明時先蠶在西苑仁壽宮側已廢

皇上御極之七年

命於

西苑東北隅

豐澤園左建

先蠶壇其浴蠶河自外垣北流入由南垣出詳見

國朝宮室

原皇甫汈蠶室成詩

蠶館開周典鷺輿扈漢儀棘牆

春茹寵桑治盡漣漪蘭獻夫人日衣明上帝時娥媯御

王母玉佩降瑤池

皇甫司勳集

原周祚西內詩

鳳輦朝陽合鷺輿大內通聖朝典禮

樂行殿接蠶宮

周氏家藏集

原夏言西苑詩

龍池西畔苑牆橫碧樹朱庭曉望明

歲歲君王深駐輦百花香裏看春耕

北郊已復親蠶

禮內苑仍開獻廟宮練出素絲方玉雪織成元袞炫山

龍昭和殿抗先兒山春日曾留聖主散翠蓋龍駒出
西苑霜毫玉管賦祇壇西苑門前渡彩舫龍池烟水

漲冥冥碧山故繞承光殿綠
樹新藏寶月亭桂洲集

原金海橋之東北巋然若山者曰廣寒殿俗云遼后梳
粧樓也河上有乾祐閣俗云北臺是也高八丈一尺廣
十七丈天啓二年毀平之就其地為嘉樂殿其門曰延
景門其西則內教場也稍南有坊曰余音引祥橋其東則
北閘口也史無
原瓊島在大液池中從承光殿北度梁至島有巖洞竅

宵磴道紆折皆疊石為之其巔古殿結構翔起周迴綺
牖玉檻重階而上榜曰廣寒之殿相傳遼太后梳粧臺
今欄檻殘壞內金刻雲物猶彌覆椽棟間下布以文石
傍一榻亦前朝物殿前舊有四亭曰瀛洲方壺玉虹金
露今惟遺址耳

西元集

臣等謹按梳粧臺金章宗為李宸妃建謂遼后者
訛其詳已見遼金宮室門

原瑤花島在內苑之北自山麓至巔百三十餘步周二

百餘丈皆疊石而成者石磴陰洞古檜喬松縈紆蔭鬱
隱然仙府也頂有廣寒殿四隅各有亭左曰玉虹曰方
壺右曰金露曰瀛洲山半有三殿中曰仁智東曰介福
西曰延和下臨太液池山上常有雲氣浮空綢繆五彩
變化莫測戴司城集

原瓊花島土取自塞外輟耕錄西軒客譚可稽也石移
自艮嶽明宣宗廣寒記可證也涿水亭雜識

臣等謹按瓊島土取自塞外

御製古井記已正其誣詳

國朝宮室及元宮室卷內

原謝鐸瓊華島詩 蓬海分明在眼中
暖雲高捧玉芙蓉 陰欲下清虛殿
朝彩先浮最上峯 瑤管聲中迷去

鵲金根影裏護飛龍 夜來雨過知多少
試向東郊問老農 桃溪淨景

原黃佐入瓊華島尋迹后粧樓 青梧飄素秋
烟霜異 昏旦所忻天地肅
通惠山水訖眇然循玉闕
咸近度金 澗長虹浮大川
積翠橫天半 瑤甍拂台斗
綺牕瞰雲漢 風起雲嵯峨
日耀樹零亂 昔聞青娥妝
今見碧草蔓 采蓮無緩歌
握蘭有遺歎 淋池翔玉鳧
芳洲宿朱雁 寒子及朋好
羨爾遊波潤 緬懷巖桂叢
徘徊歲將晏 泰泉

集 原文徵明瓊華島詩 海上三山擁翠鬟
天宮遙在碧

雲端古來漫說瑤臺迥人事寧知玉宇寒落日芙蓉烟
裊裊秋風挂樹露團團勝遊寂寞前朝事誰見吹簫駕
綵鸞

甫田集

補梳粧臺在太液池東小山上一名瓊華島即今白塔

寺址也

西河詩話

原皇城北苑中有廣寒殿瓦甃已壞榱桷猶存相傳以
為遼蕭后梳粧樓成祖定鼎燕京命勿毀以重鑒戒至
萬厯七年五月忽自傾圮其梁上有金錢百二十文蓋
鎮物也上以四文賜余其文曰至元通寶按至元乃元

世祖紀年則殿初于元世祖時非遼時物矣

太岳集

原永樂七年三月車駕至北京命學士胡廣諭德楊榮

金幼孜修撰王英等從遊萬歲山

翰林記

原金幼孜和胡學士春日陪駕遊萬歲山詩

鳳輦遊

仙島春殘花尚濃龍紋蟠玉砌鶯語度瑤宮香霧浮高

樹祥雲麗碧空五城雙闕外宛在畫圖中

截紫臨丹

闕迢遙跨紫臺龍香浮日動鳳蓋拂雲來

疊嶽參差出

層厓隱映開幽情不可極臨眺重徘徊

全文靖集

原胡儼次韻胡學士陪駕遊萬歲山詩

鳳輦宸遊日

祥雲夾道紅香風傳別殿飛翠繞行宮徑轉千巖合波

迴一鏡空忽看鸞鶴起聲在半天中

閣道雲為幄仙

山玉作臺更無凡迹到只有異香來

柳拂金輿度花迎

寶扇開太平多樂事危從得徘徊

胡祭酒集

原玉洪和胡學士從遊萬歲山詩
飛旆臨丹壑鳴鑣
陟紫臺日邊雙鳳下雲裏六龍來
寶殿臨空敞瑤筵就

水閣共誇青鏤客陪
宴栢梁回
殺齋集

原宣德三年上奉皇太后遊西苑上親掖太后與上萬
歲山奉觴上壽太后悅酌酒飲上且曰今天下無事吾
母子得同此樂皆天與祖宗之賜也天下百姓皆天與
祖宗之赤子為人君但能保安百姓使不至於饑寒則
吾母子斯樂可永遠矣

明宣宗
實錄

原宣德三年三月上命尚書蹇義內閣學士楊士奇楊

榮等十有八人同遊萬歲山許乘馬將從者二人登山
周覽復賜登御舟泛太液池中官拏舟網魚有旨人賜

御釀玉醅一甌飲既復命乘馬遊小山

翰林記

原楊榮泛太液池作太液春暖承恩泛綵舟輕盈
蘭棹發蕩漾玉虹流簾影移宮樹茶香出御甌此中多

勝境況是從宸
遊楊文敏集

原宣德七年七月上登萬歲山坐廣寒殿召翰林儒臣
傳命周覽都畿山川形勢既畢上曰茲山茲宇元順帝
所日宴遊者也豈不可感侍臣叩首曰殷之跡周之監

欽定四庫全書

卷三十六

也

翰林記

原宣宗章皇帝御製廣寒殿記萬歲山在宮城西北隅皆奇石積疊以成峽峭峻迴起伏或陡絕如壑或嵌巖如屋左右二道宛轉而上步躡屢息乃造其巔而飛樓複閣廣亭危榭東西拱向頓仰輝映不可殫紀竄高者為廣寒殿軒轅雲霞納日月高明闔奧北枕居庸東抱滄海西挾太行高岱並立乎前大河橫帶乎中俯仰江淮一目無際寰中之勝縣天下之偉觀莫加於此矣朕侍皇祖太宗文皇帝萬幾之暇燕遊於此天顏悅懌顧茲山而諭朕曰此宋之艮嶽也宋之不振以是金不戒而徙于茲元人不戒而加侈焉賭其處思其人夏書所為儼峻字雕牆也吾時游焉未嘗不有飯于中昔唐九成宮太宗亦因隋之舊去其汰侈而不改作時資宴游以存監省汝時未有國家天下之任政務餘閑或一登此則近而思吾之言遠不忘聖賢之明訓國家生

民無窮之福矣朕拜稽受命書不云乎皇祖有訓詩不云乎儀刑文王肆嗣位以來凡事天愛民一體皇祖之心教而行之洞洞屬屬罔間夙夜比登茲山顧視殿宇歲久而能遂命工修葺永念皇祖儼如在上教以所受大訓筆而勒諸石以自省亦以昭示我子孫于億萬年

明宣宗御製集

原八年四月上謂楊士奇楊榮曰朕於宮中所在皆置書籍楮筆今修葺廣寒清暑二殿及瓊華島欲於各處皆置書籍卿二人可於館閣中擇能書者取五經四書

及說苑之類每書錄數本分貯其中以備觀覽

明宣宗
實錄

原楊士奇從游西苑詩 廣寒宮殿屬天家晚從宸遊駐翠華瓊液總頌仙掌露金文皆揮御筵花棹穿萍藻

波間雪旗飛芙蓉水上霞升世直超人境外玉盤親捧
裏如瓜 東里集

原皇甫汈廣寒宮登眺詩 寶閣凌霄建珠璣映日開
月臨疑桂宇露洒即銅臺山悉園靖入池猶象漢迴倚
菰花屢發窺舞鳥能來傾園元因色勞民豈但財地隨
元運改棟與美人推殿監良非遠秦宮亦可哀聖朝留

故蹟皇覽實休哉 皇甫司勳集

原李叢都城雜詠 西宮白日靜波流小殿玲瓏失御

溝花樹重重春烟嫋游人偷上洗粧樓 李太史集

原王世貞宮詞 傳呼京兆進春牛百戲魚龍曼衍遊

雜皆香車看不見好登遠

后洗粧樓 弇州山人稿

原乾佑閣建自明萬厯年間在太液池之北高八丈一
尺廣十七丈磴道三分三合而上倒影入水波光蕩漾

如水晶宮闕天啓時毀之即其處為嘉樂殿其門曰延景門再西則親軍內教場也

金鰲退食筆記

補乾佑閣宮中謂之北臺高八丈餘廣一十七丈磴道三分三合而上俯臨閭井繁猥畢見欽天監言風水不利議毀之天啓元年十一月十三日工部疏請得旨時吾鄉高工部道素初授虞衡司主事於次日始督圻北臺適禁中有窪地公請兼領築填即以所毀臺基積土補之事半工倍省費甚多此事本在元年而劉氏蕪史

謂是二年事誤也

閩史
振遺

原萬曆二十九年六月新築大內乾德殿御史林道楠
董其工至四十年四月道楠上言三殿兩宮高不過一
十二丈今臺高八丈一尺加以殿宇又復數丈其勢反
出宮殿之上禁中豈宜有此不報

明神宗
實錄

原萬曆三十三年八月更乾德殿為乾德閣天啓元年

八月毀之四年五月添建嘉豫殿

明宮殿
額名

原太液西隄出兔園東北臺高數丈中作團頂小殿用

黃瓦左右各四楹接棟稍下瓦皆碧南北垂接斜廊懸
級而降面若城壁下臨射苑背設門牖下瞰池有馳道
可以走馬乃武皇所築閱射之地

西元集

臣等謹按明武宗所築閱射之地名曰平臺後廢
見金鰲退食筆記

原馬汝驥平臺詩
西臺通太液複道肅鉤陳虎旅歸
營火龍光繞禁新柏梁間日月蓬閣接天人漢帝崇文

化賡歌奉紫宸
西元集
原陳沂平臺詩
海氣生華蚤天光落彩虹穹階曾帝

陟飛觀有仙通燕士何年台周民不日
攻禁西傷舊事七校指離宮
拘虛集

原北開口亭嘉靖十三年六月更湯玉亭二十二年三月更匯玉渚西龍淵亭萬曆三十年七月建會景亭嘉靖二十二年三月更龍澤亭萬曆三十年七月更龍湫

亭

明宮殿額名

臣等謹按北開口亭基即今北海之東隅

蠶壇以北近

皇城牆為積水潭進水處

原嘉靖二十二年四月新作雷霆洪應殿成

明世宗實錄

原雷霆洪應之殿有壇城韓雷軒嘯風室嗟雪室靈雨
室耀電室清一齋寶淵門靈安堂精馨堂馭仙次輔國
堂演妙堂八聖居俱嘉靖二十二年三月懸額

明宮殿
額名

臣等謹按今

紫禁城西有昭顯廟即其舊基詳城市門

原上召禮部尚書夏言於無逸殿諭之曰西海子以午
日奉兩宮遊宴止行望祀宜特建祠宇言退疏言海子
出源西山繞出甕山後匯為七里滌東入都城瀦為積

水潭南出玉河入大通河轉漕亦賴其利比之五祀其功較大禮宜特祀請于閘口湧玉亭後隙地建祠詔可

嘉靖
祀典

原嘉靖十五年建金海神祠於大內西苑湧泉亭以祀宣靈宏濟之神水府之神司舟之神二十二年改名宏

濟神祠

明典
彙

原金海祠以仲春仲秋上壬日用事遣太常卿行三獻禮祝辭曰粵稽瓊源其來舊矣自彼玉泉之委發茲太

液之流潤澤禁垣功亦彰矣茲惟仲春仲秋敬修時祀

用報靈貺神其流福以惠我生民尚享

嘉靖祀典

原夏言苑中寓直紀事詩
靜雨初收遙看北岸紅烟裊

湧玉亭前夜泛舟碧荷香
殿珠簾盡上鉤桂洲集

原天順四年九月新作西苑殿亭軒館成苑中舊有太

液池池上有蓬萊山山巔有廣寒殿金所築也西南有

小山亦建殿於其上規制尤巧元所築也上命即太液

池東西作行殿三池東向西者曰凝和池西向東對蓬

萊山者曰迎翠池西南向者以草繕之而飾以堊曰太

素其門各如殿名有亭六曰飛香擁翠澄波歲寒會景
映輝軒一曰遠趣館一曰保和工成上臨幸召文武大

臣從遊歡賞竟日

明英宗
實錄

原嘉靖癸卯夏四月新作霄殿成其地漚以金海帶以
瓊山規構閣偉地位肅嚴前為霄禱之壇後為太素殿
以奉祖宗列聖神御齋館列峙臨海為亭曰龍澤曰龍
湫東為宏濟祠經始昨秋至是而告成焉

鈴山
堂集

原太素殿前有湧惠門嘉靖四十三年七月更殿名為

壽源旁有正心齋持敬齋後有歲寒亭嘉靖二十二年三月更五龍亭五亭中曰龍潭左曰澄祥曰滋香右曰湧瑞曰浮翠二坊南曰福渚北曰壽岳三洞上隆壽中玉華下仙遊其素左素右二門天啓七年六月塞之三

洞天啓元年毀

明宮殿
額名

原會景亭南有屋數連通池水以育禽鳥舊名天鵝房
有亭曰映輝曰澄碧凝和殿在池東西向有二亭臨水
曰湧翠曰飛香迎翠殿在池西東向臨水有亭曰澄波

明嘉靖時更建浮香寶月二亭

金鰲退食筆記

原映輝亭嘉靖二十二年四月更騰波亭三十五年五月更滋祥亭萬曆三十年七月更香津亭澄碧亭嘉靖二十三年六月更飛靄亭三十年五月更湧福亭萬曆三十年七月更騰波亭凝和殿嘉靖二十三年六月更惠熙殿四十三年三月更元熙殿會景亭嘉靖二十二年三月更龍澤亭萬曆三十年七月更龍湫亭迎翠殿即承華殿浮香亭嘉靖十三年五月建三十年六月更

芙蓉亭寶月亭嘉靖十一年三月移建延年殿嘉靖四

十三年三月建

明宮殿額名

原嘉靖四十三年三月元熙延年殿成四月以元熙承

華寶月三殿亭工完賜工部尚書雷禮等銀幣

明世宗實錄

原北閘口東岸曰船屋冬藏龍舟之所

蘇史

原瑤華島東北過堰有水殿二一藏龍舟一藏鳳舸舟

首尾刻龍鳳形上結樓臺以金飾之又一浦藏武皇所

造烏龍船岸際有叢竹蔭屋浦外二亭橫出水面

西元集

原自瓊華島東麓過石橋由陟山門折而北循岸數百

步有水殿二深十六間藏龍舟鳳舸

金鰲退食筆記

原方船制長十丈九尺濶二丈九尺五寸為方形嘉靖

十七年於禁苑成造以備御用置塢居之龍鳳船肖龍

鳳形飾以五綵置塢二處居之採蓮船三係司苑局於

西湖采鮮所用者

水部備考

原馬汝驥詩

鳳殿臨瑤水龍舟鎖白雲樓臺疑上漢

蕭鼓憶橫汾池

宣昆明鑿波猶太液分昔年浮萬里蘭

桂詠續紛

西元集

原文微明詩

別殿陰陰水竇連漢家帝子有樓船蘭

繞柱檝曾千里錦纜牙檣憶往年汾水秋風空落日隋堤楊柳漫清烟今皇別有同民樂不遣青龍漾碧川

甫田集

原歐大任龍舟浦詩 簫鼓中流發秋風散浦烟淋池

新樂府汾水舊樓船賞勝觀清日遊非習戰年甘泉思危從回水濯龍川

歐度卽集

原承光殿甃砌如城牆以登道分上之上有樓閣古松

此乾明門西也曰御河橋卽金海橋橋之東岸再南曰

五雷殿卽椒園也亦名蕉園再南則西苑門矣

燕史

原承光殿在太液池上圍以甕城殿構環轉如蓋一名

圓殿中有古栝數百年物也

甫田集

原承光殿一名圓殿在太液池東園以甕城池有大石
橋二其一跨海子東西曰金鰲玉練其一跨琉璃華島之
南曰堆雲積翠而圓殿則介其南殿前有古檜一株傳
為金時遺植蒼勁天矯若虬龍之挐空真有神物呵護
之者

燕都遊
覽志

臣等謹按承光殿古枯

皇上有御製古枯行恭載

國朝宮室卷內

原承光殿嘉靖三十一年更乾光殿

明宮殿
額名

原瓊花島東南曰圓殿即承光殿有古松三大株相傳

數百年物

春明夢餘錄

原夢道南承光庭詩

承光臨太液長日水雲封橋帶

流虹渚門迎積翠峰
閣學士草壇畔大夫松
霞藏來

淵海時瞻紫氣濃

元素集

原文徵明詩

小苑平臨太液池金鋪約戶鏤盤螭雲

中帝座飛華蓋城上鈎陳繞翠旗紫氣曾迴雙鳳輦青

松猶有萬年枝從來清蹕深巖處開盡碧桃人未知

甫田集

原太液池在西苑中南北亘四里東西二百餘步東瞰

瑤華島東南有儀天殿殿前老檜一株盤回若偃蓋

司載

集成

原太液池在子城西乾明門外周遭凡數里其源自玉泉山合西北諸水流入都城德勝門滙為積水潭亦名海子至北安門水關流入西苑人呼西海子

燕都遊覽志

補周美為尚書郎封君就養京師秩滿受封父子相隨奉天門謝恩內侍引入禁苑徧觀漸臺太液之勝餉以內珍曰封君謝恩者蓋少况年盈八十健爽如此者乎

掖送出長安門而別

震川集

臣等謹按登科考周美蘇州崑山人中嘉靖二十三年秦鳴雷榜進士

原永樂十五年十一月壬申金水河及太液池冰凝具樓閣龍鳳花卉之狀上賜羣臣觀之

明成祖實錄

原宣德八年三月少保黃淮辭歸上宴餞之于西苑太液池親灑宸翰製詩送之仍賜金織衣一襲

大政記

原明宣宗章皇帝御製詩天香早折仙桂枝筆花五彩間鳳池蓬萊之仙立奎壁近侍九重天咫尺永樂聖

人臨御初鞠躬首陳嘉謨仁宗監國文華殿左右謀
猷共偉序服承大寶君萬方相與共理資賢良傾心寫
情任舊老而卿引疾先還那五歷星霜復相見霜鬢蕭
蕭秋滿面是時朝旭先昇紫殿明相對清言良慰情留
之累月未盡意歸心又欲東南征太液清冷涵碧藻楊
柳芙蓉相映好免驚瀾淪弄晴波紫霧紅雲拂瓊島芳
育在組酒在壺工歌鹿鳴續白駒君臣大義士所重心
雖建閣身江湖雁蕩風高高不極中有謝公舊遊迹采
芝劇苓可長年應在天南憶天北明宣宗御製集
原胡廣陪駕至太液池作
玉砌臨無地飛甍上有天
微風斜舞燕高柳拂鳴蟬岸草茸茸細池荷個個圓孰
知廿紫裏別有好林泉胡文穆集

原金幼孜和胡學士秋日陪駕遊太液池作
秋色飛霞映晚天折荷驚白露倚樹聽元蟬翠合三山
近波涵一鏡圓子雲才更好
獨步賦甘泉金文靖集

原承光殿南從朱扉循東水潁半里崇闔廣砌中一殿
碧瓦穹窿如蓋又貫以黃金雙龍頂纓絡懸綴雕龍綺
牕朱楹玉檻八面旋匝曰崇智殿殿後一亭金飾北瞰
池水轉西至臨潁亭又一小石梁出水中有亭八面內

外皆水云釣魚臺殿前牡丹數十株名芭蕉園

西元集

原芭蕉園在太液池東崇臺複殿古木珍石參錯其中

又有小山曲水實錄成於此焚稿

甫田集

原實錄成擇日進呈焚稿於芭蕉園園在太液池東崇

垣複殿古木珍石叅錯其間又有小山曲水則焚稿之

處也

湯幢小品

原芭蕉園有宮眷法從人等至此下馬二石碑當時世

宗設醮時所立

金龜退食筆記

原五雷殿左迎祥館右集瑞館萬厯二十九年三月添

扁

明宮殿額名

原夏言臨濟亭詩

經樹陰陰翠殿寒臨濟亭上倚闌

干誰知

鳳閣龍樓裏亦有青山碧水看桂洲集

原陳沂芭蕉園詩

雨後芭蕉苑春深楊柳宮綺雲憑

碧益紫霧閉雕龍

輦路曰天上歌臺出水中心聞人語

路曰天上歌臺出水中心聞人語

路曰天上歌臺出水中心聞人語

路曰天上歌臺出水中心聞人語

路曰天上歌臺出水中心聞人語

路曰天上歌臺出水中心聞人語

路曰天上歌臺出水中心聞人語

路曰天上歌臺出水中心聞人語

路曰天上歌臺出水中心聞人語

欽定四庫全書

卷三十六

笑沙畔起驚鴻

拘虛集

原馬汝驥詩

輦道山樓直宮園水殿低碧荷香檻出

紅藥晚階齊釣石蛟龍隱歌臺烏雀啼翠華當日幸花

木五雲迷

西元集

原廖道南芭蕉園詩

旖旎芭蕉色繽紛滿御園午陰

便鹿夢春雨罷蜂喧綠借芙蓉潤青交薜荔翻詞林曾

獻頌此日重承恩

元素集

原文徵明詩

小山盤折翠嶺崢嶸松桂陰陰輦道斜草

長蘭亭迷曲水雨深桃洞自觀花紫雲依舊園黃屋青

鳥還應識翠華知是史臣焚草地文光隱隱結紅霞

甫田集

原薛蕙

西閣遇雨詩

窮完西清內參差水殿連歸雲

向平樂飛鳥集甘泉明月裁班女迴風唱

麗娟龍池初望幸來往木蘭船西原集

欽定日下舊聞考卷三十六

欽定日下舊聞考卷三十六舉正

王嘉謨趙臺陂詩原書陂訛作坡今據金鰲退食筆記改

嘉靖時建無逸殿條首改三字 翟鑒坐二子原書坐

訛作生今改

許讚原書讚訛作瓚今改

嘉靖九年三月
皇后親蠶條

崇闈原書闈訛作闕 又貫原書又訛作天今俱改

承光殿南
從朱扉條

欽定日下舊聞考卷三十六舉正

原書明宮室門節刪附記

永樂七年上御奉天門條刪

光宗崩李選侍踞乾清宮條刪

李應禎成化中為中書舍人條刪

禁中有大善佛殿條連下二條與朱彞尊按俱刪

宗禎元年七月條刪

黃佐乾清宮賦刪

殿中金鶴一雙條冊

乾清宮塔墀條刪

宮人多用糞車條刪

萬歲山在子城北條刪

正德十年七月重修太素殿條刪

承光殿一名圓殿條節刪十四字

欽定日下舊聞考卷三十六節刪